

Broj: 05-02-2-355-3/20  
Sarajevo, 24.08.2020. godine

**FEDERACIJA BOSNE I HERCEGOVINE  
PARLAMENT FEDERACIJE BIH  
DOM NARODA  
n/r sekretara, Izmir Hažiabdić**

Босна и Херцеговина  
Федерација Босне и Херцеговине  
**PARLAMENT FEDERACIJE  
SARAJEVO**

Primljeno:	01-09-2020		
Org. jed.	Broj	Priloga	Vrijednost
02 - 02 -	1414	/20	

**PREDMET:** Odgovor na zastupničku inicijativu Vujović Žarka,  
dostavlja se

**VEZA:** - akt Vlade Federacije Bosne i Hercegovine broj: 03-11-977-1/20 od  
10.08.2020. god.;  
- akt Doma naroda Parlamenta Federacije Bosne i Hercegovine broj:  
05/2-02-1414/20 od 30.07.2020. godine.

Federalna uprava civilne zaštite (u daljem tekstu: FUCZ) je preko Vlade Federacije Bosne i Hercegovine zaprimila Inicijativu zastupnika u Domu naroda Parlamenta Federacije Bosne i Hercegovine Vujović Žarka, broj i datum navedeni u vezi, pokrenutu na osnovu člana 10. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03 i 21/09), a kojom se od Vlade Federacije Bosne i Hercegovine i Premijera Federacije Bosne i Hercegovine traži „da hitno iz budžetske rezerve izdvoji 200.000 KM radi saniranja štete u Velikoj dvorani SKPC Mejdan u Tuzli – zamjena parketa koji je u potpunosti uništen u poplavama 24.07.2020. godine.“

Vezano za nadležnost FUCZ i Federalne komisije za procjenu štete, kao radnog tijela Vlade Federacije Bosne i Hercegovine koje prati, usmjerava i vrši nadzor nad radom kantonalnih, odnosno općinskih/gradskih komisija za procjenu štete, obavještavamo Vas da štete, nastale djelovanjem prirodne nesreće, evidentiraju i procjenjuju općinske/gradske komisije za procjenu štete u rokovima utvrđenim u Uredbi o jedinstvenoj metodologiji za procjenu šteta od prirodnih i drugih nesreća (Službene novine Federacije BiH", 75/04, 38/06, 52/09, 56/09 i 36/14-u daljem tekstu: Uredba).

Štete se procjenjuju na svim oštećenim i uništenim materijalnim dobrima (pod materijalnim dobrima podrazumijevaju se materijalna dobra iz člana 6. prethodno navedene Uredbe), na osnovu podnesene prijave o šteti, a koju u skladu sa članom 11. stav 6. Uredbe o izmjenama i dopunama Uredbe o jedinstvenoj metodologiji za procjenu šteta od prirodnih i drugih nesreća (Službene novine Federacije BiH", broj 52/09) službi civilne zaštite općine mogu podnijeti i pravna lica, državni organi i građani koji su pretrpjeli određenu štetu.

Nadalje, Odlukom o postupku i kriterijima za dodjelu jednokratne novčane pomoći općinama i kantonima za otklanjanje šteta nastalih od prirodnih i drugih



nesreća ("Službene novine Federacije BiH", br. 60/06, 8/10 i 21/14 u daljem tekstu: Odluka), regulisana su sva pitanja koja se odnose na rokove, uslove i postupak traženja i dodjele pomoći općinama i kantonima od strane Federacije Bosne i Hercegovine za štete koje nastanu djelovanjem prirodne i druge nesreće.

Takođe, odredbom tačke IV stav 2. Odluke, utvrđeni su uslovi kada se pomoći može tražiti iz sredstava Federacije Bosne i Hercegovine i određena je procedura za podnošenje zahtjeva. Zahtjev za dodjelu pomoći, općina/grad prvo traži od vlade kantona, pa ako vlada kantona nije u mogućnosti iz sredstava kantona udovoljiti zahtjevu općine/grada ili je dodijelila samo dio tražene pomoći, u tom slučaju vlada kantona zahtjev općine/grada dostavlja Vladi Federacije Bosne i Hercegovine, odnosno Federalnom štabu civilne zaštite putem Federalne uprave civilne zaštite.

S poštovanjem.



Dostaviti:

1. Naslovu,
2. Vlada Federacije Bosne i Hercegovine, na znanje,
3. a/a

